Dissertatio medica inauguralis de pleuritide ... / [Thomas Arnold].

Contributors

Arnold, Thomas, 1742-1816.

Publication/Creation

Edinburgi: Auld et Smellie, 1766.

Persistent URL

https://wellcomecollection.org/works/puxa9pax

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



DISSERTATIO MEDICA INAUGURALIS,

DE

PLEURITIDE:

QUAM,

ANNUENTE SUMMO NUMINE,

Ex Austoritate Reverendi admodum Viri,

GULIELMI ROBERTSON, S. S. T. P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensor.

Et nobilissimae FACULTATIS MEDICÆ decreto;

PRO GRADU DOCTORATUS,

RITE ET LEGITIME CONSEQUENDIS;

Eruditorum examini fubjicit

THOMAS ARNOLD, ANGLO-BRITANNUS.

Ad diem 29 Novembris, hora locoque folitis.

E D I N B U R G I:

Apud AULD et S M E L L I E Typographos.

M, D C C, L X V I.

Hoctor Paline his humb. Sero! CULUS ERCH SE AMORPAG STUDIO RICHARDOPPI CHOMAA CAMADED

PATRI SUO OPTIMO

GULIELMO ARNOLD,

CUJUS ERGA SE AMORI AC STUDIO

OMNIA DEBET:

ITEMQUE

AMICO SUO DILECTISSIMO

RICHARDO PULTENEY, M.D.

QUI SIBI DOCTRINÆ MEDICÆ

PRIMO RECLUDIT FONTES,

HAS SUAS STUDIORUM PRIMITIAS

DICATAS VOLUIT

THOMAS ARNOLD.

CULIELMO ARNOLD,

CUJUS ERGA SE AMORI AC STUDIO

OMNIA DEBET:

STO METT

AMICO SUO DILECTISSIMO

RICHARDO PULTENETIMD.

QUI SIRI DOCTRINE MEDICAE

PRIMO RECLUBAT FONTES,

HAS SUAS STUDIORUM PRIMITIAS

DICATAS VOLUIT

THOMAS ARROLD.

DISSERTATIO MEDICA

cipiam. Arduna professo negotional mul-

thero, delicem me putabo: Sin

DE PLEU NINTIL

tilique non facile eguarandis impeditum:

PLEURITIDE.

PROOEMIUM.

deinde praecipus per am, quae ad hane mor-

VUM quid sit pleuritis, quid peripneumonia, non certo fatis apud medicos constare videatur :- Cum ab HIPPO-CRATIS fere temporibus ad hoc ufque quo vivimus feculum, tantae agitatae fint lites de fignis pleuritidis ac peripneumoniae propriis, et per quae a se invicem dignosci possint:-Cum denique hae lites adhuc etiam non fatis dirimantur; quippe cum plurimi, iique ingenio, doctrina, artisque medicae peritia, viri non ignobiles, tam varias de hac re ineant fententias, ut eorum omnium placita vel fi breviter hic percurrerem, et ipse operam perderem, utpote qui haec postea, si quando opus fuerit, memoraturus fum; et legentibus, quibus ad rem festinare potius cupientibus nimis longus viderer, taedio essem :- Quando, inquam, ita fe res habeat, operae facturus fum fortaffe pretium, si de pleuritidis in thorace sede, ejusque

A

a peripneumonia discrimine, in me scribere suscipiam. Arduum profecto negotium! multisque non facile exsuperandis impeditum: Quae si expediero, selicem me putabo: Sin minus votis responderit eventus, mihi condonatum iri ab omnibus spero, qui et rei ipsius naturam perspexerint, et quot quantique viri in ea enodanda frustra elaborârunt, secum reputaverint. Hisce vero tractatis, enumerare deinde praecipua pergam, quae ad hunc morbum vel cognoscendum vel rite curandum pertineant.

Cum de his igitur aliquid hoc tempore scribere statuerim, non erit a proposito alienum, si antequam de pleuritide speciatim disseram, signa quae pleuritidem et peripneumoniam in genere manisestent brevi descriptione complectar. Et quoniam hos duos morbos, nullo sacto discrimine, generali aliquando nomine includat Hoffmannus, et sebrem appellet pneumonicam; hisce autem morbis laborantes, pneumonicam; hoc libet usurpare nomen, quo minus circuitionis obscuritatisve habeat nostra oratio.

tives from properties is a specification of the

(d) Van Swiet, in Boerhaaph. 884: Syd. op. p. 251.2

Febris

Febris pneumonicae generalis descriptio.

INCIPIT plerumque febris pneumonica a frigore atque horrore; quae deinde excipiunt calor, fitis, appetitus prostratus, caeteraque febrem vel indicantia vel comitantia (a). Ad haec fe adjungit aliquando dolor acutus, pungens, et lancinans (b), ut dicitur, qui aliis pectoris interioris partibus aliàs haeret (c), et variis morbi temporibus apparet (d). Modo enim latus obsidet dextrum, modo sinistrum; modo puncto quasi affixus haeret, idque vel in medio latere, vel ad collum claviculasque, vel ad spinam atque scapulas, vel ad anteriora pectoris sub sterno, vel ad costas spurias, et ad lumborum fere vertebras: Modo latius ferpit iste dolor, et per totum latus, immo etiam per totum pectus, nonnunquam se expandit. Neque tamen semper videtur pectoris parietes occupare; aliquando enim profundior fentitur, adeo ut intima pectoris, cor, scilicet, pericardium, ac mediastinum, tenere videatur.

Quod Lom.

⁽a) Boerhaave Aph. 883. Van Swiet. in loc. Lom. Med. obs. p. 121. Syden. oper. p. 261.

⁽b) "Pungens atque distendens dolor latus exercet."
Lom. Obs. med. p. 121. "Dolor vehemens punctorius."
Syd. oper. p. 262.

⁽c) Lomm. Med. obf. p. 121. Syd. oper. p. 262.

⁽d) Van Swiet, in Boerh. Aph. 883. Syd. op. p. 262.

Quod ad vehementiam quoque, variis aegris multum variat dolor: quibusdam enim adeo mitis est, ut non valde impediat spirandi officium; aliis vero adeo immaniter faevit, ut vix prae dolore spiritum ducere queant (e). Neque vero quidem individuus est febris pneumonicae comes dolor iste pungens atque lancinans; nam saepissime adest dolor solummodo gravans, ut dicitur, atque obtufus (f): immo vero non femper ullus omnino dolor adeft; sed, quod nec minus molestum, de praecordiorum totiusque pectoris gravitate aeger non raro conqueritur (g); quae magno quasi pondere comprimi, vique insuperabili ligari atque coarctari videntur, adeo ut non nisi magno molimine spiritum paucum, votisque minime respondentem, ducere possit. Quod ad tempus vero attinet, quo aegrum aggreditur dolor, magnopere variat: quosdam enim citius, alios vero ferius adoritur. Nam aliquando statim post febrem, vel cum ea simul se ostendit: nonnunquam autem non nisi prima alterave die elapsa oritur (b): sed et neque hoc neque illud semper accidit; febrem namque ip, fam aliquando praeire videtur.

CUBAT

⁽e) Boerh. Aph. 883. (f) Lomm. Med. obf. p. 135. (g) Ibid. p. 133. (h) Van Swiet. in Boerh. Aph. 883.

Cubat interea aeger, prout varie se habeat, vel in latus dolens, vel in sanum: interdum etiam in neutrum latus cubare potest, sed solummodo in dorsum (i). Saepe vero, valde increscente morbo, tanta est spiritus difficultas, ut aegrum neque in hoc neque in illud latus, neque porro in dorsum, jacere sinat, sed erecto corpore sedere cogat, et elevatis humeris aegre cum sibilo spiritum ducere (k).

ARTERIARUM ictus vario se habent modo. Quibusdam aegris sunt frequentes, duri, tensi, et quasi serrae dentes digitum rodentes, neque ita tamen magni: aliis vero pleni et sortes, sed molles tamen atque undarum ritu sluentes: neque desunt quibus arteriarum pulsus sunt inaequales ac etiam intermittentes (1).

Tussis quoque accedit (m), eaque plerumque molestissima; quae cum dolore vel pectoris gravitate incipiens, molesta saepe non dessinit esse aegro, etiam cum sebris, aliaque sere omnia hunc morbum comitantia mala abierint; neque aliquando, nisi longo post tempore, penitus sedatur. Tussis autem haecce adeo adauget

⁽i) Lomm. Obf. med. p. 134.

⁽k) Vid Morgagni de sed. et caus. morb. epist. 20. et 21. passim.

⁽¹⁾ Lomm Obs. med p. 121. et 134. Pison. de morb. cogn. et curand lib 2. cap. 7. vol. 1 p. 353.

⁽m) Lomm. Med. obf. p. 121.

adauget lateris dolorem, ut aeger ne tussire quidem audeat, sed "spiritum subinde repri"mat, ut prima tussiendi molimina coer"ceat (n)."

HAEC quidem primo, ut plurimum, ficca est atque inanis (o); et cum nulla per eam educta fit materia, non folum nihil levaminis, fed et etiam multum adfert aegro molestiae. Fere femper vero, ingravescente morbo, serius ocius sputum ex imo pectore per os ejicitur (p); idque vario modo: Primo quidem tantum exfpuitur ferum tenue, pituitofave materia; quae deinde craffior devenit, alba, vel flava, et saepissime sanguine tincta; ut et aliquando fincerus fere exfpuitur fanguis : neque defunt nonnunquam sputa fusca, viridiora, saniosa, et etiam nigra. Melius vero procedente morbo, et ad axuir provecto, sputa prodeunt alba, levia, aequalia (q), quae facile ac copiose ejiciuntur, et magno funt aegro levamini (r).

NEC tamen semper id accidit, ut hoc morbo laborantes sputum ejiciant: Quibusdam enim nihil sputi per totum morbi decursum prodit; quod

⁽n) Syd. oper. p. 262. (s) Lomm. Med. obs. p. 121. (p) Id. Ibid. (q) Ibid. p. 122.

⁽r) De sputorum generibus, vid. Lomm. Med. obs. p. 121. 122. 123. &c. Pison. de cognosc. et curand. morb. lib. 2. c. 8. &c. Syd. oper. p. 262. aliorumque medicorum scripta.

quod pro infausto omine plerumque habetur (s); nihilominus tamen plurimi, qui nihil omnino exspuunt, evadunt incolumes (t).

Febris autem quo magis minusve urgeat, eo plures vel pauciores sibi adsciscit comites; capitis scilicet dolorem, malarum oculorumque ruborem, vigilias, delirium, vel alia plura.

Cadaverum Sectiones.

sors valde crafficatione denta con

die rependenten, stelligen Richand (2) In-

Hisce igitur quae omnium se oculis videnda praebent jam narratis, nunc quaerendum est quae sint ista abdita corporis interioris vitia unde haec omnia proveniant mala. Pectore vero hoc morbo mortuorum aperto, plurima inveniuntur minime sana; quorum praecipua haec sunt:

Primo quidem pleura inspecta, hoc fere modo se habet. Vel illaesa est omnino ac sana, atque a pulmonibus prorsus soluta; vel rubra et inslammata, pulmonibus concreta, aliove modo varie assecta (u). Quod ad inslammationem attinet; vel levis est solummodo, neque late serpit; vel intensior atque gravior, sedemque

⁽s) Lomm. Med. obs. p. 126. (t) De Haen Rat. medend. tom. 1. c. 2. p. 12.

⁽u) Morgagni de sed. et caus. morb. epist. 20. et 21. passim.

redemque occupat latiorem: Pleurae autem variis inhaeret partibus; vel enim in medio fedet latere, vel fub mamma claviculave, vel fub fcapula, vel ad fpinam ufque dorsi; vel ad interiora pectoris circa sternum, vel ad imum latus dorsumve sub costis spuriis (x). Interdum etiam pleurae costas succingentis totum occupat ambitum (y). Nonnunquam abscessus hic reperiuntur, testibus Riolano (z), Diemerbero (a), aliisque. Saepe praeterea invenitur pleura valde crassa atque densa, colorisque subalbidi, susci, vel nigri (b); invenitur etiam quasi semicorrupta, adeo ut levi digitorum attritu facile laceretur, ac gangraena jam correpta videatur (c).

SAEPE quoque pleuram alia praeterea membranula, quasi pseudo-tunica, videmus obductam: quae membranula, vel omnino densa, sirma, et robusta est, vel mollioris laxiorisque compagis, vel mucosa tantum; caque vel toti pleurae, vel quibusdam solummodo ejus partibus, superimposita, nonnunquam reticulata est; plerumque tamen integra (d). Haecce membranula pleurae saepe speciem praebet: et corrupta;

20. et 21. passim.

⁽x) Id. ibid. passim. (y) Id epist. 21. § 33. et alibi. (z) Anthropolog. lib. 3. c. 5. (a) Anat. lib. 3. cap. 13. (b) Id epist. 20. et 21. passim. (c) Id. epist. 21. § 36. et alibi. (d) Id. epist.

corrupta, pleuræ corruptionem mentitur (e): caute tamen abrasa, non raro sana atque illaesa pleura deprehensa est (f).

SAEPISSIME etiam pulmonibus connexa est pleura atque concreta. Quae quidem connexio duplex est: aliquando enim intercedente callo (g), ut videtur, essicitur: non raro vero sunt vinculo membranulae illae de quibus jam supra dictum est (b). Adhaesionibus hisce solutis, pleura, qua pulmones ei colligati erant, illaesa omnino saepe deprehenditur (i): nonnunquam inslammata (k); vel aspera hic illic, rubrisque quasi tuberculis inaequalis (l), aliisve quibusvis supra narratis assecta (m).

HAEC vero omnia mala patitur quidem pleura, non modo qua costas succingit, verum et per totum ejus ambitum; sive mediastinum essiciat, sive septo transverso superinducta sit, sive pericardio, sive ipsis pulmonibus. Partes quoque proxime jacentes malorum sibi comites saepe associat; musculos, scilicet, intercostales, septi transversi musculos, atque ipsum porro costarum periosteum (n).

B

IN

⁽e) Id. epist. 20. § 56. et alibi saepe.

⁽f) Id. epist. 20 et 21. passim. (g) Morgagni de sed. et caus. morb. epist. 20 § 11 16.

⁽b) Id.epist. 20. et 21. passim.

⁽i) Id. ib. passim. (k) Id. epist. 20. § 56. et alibi passim. (l) Id. epist. 21 § 27. § 35. et alibi passim. (m) Id. epist. 20. et 21. passim. (n) Id. ib. passim.

In thoracis autem inter pleuram pulmonefque cavo nihil interdum invenimus a fano corpore alienum: interdum vero plus minufve humoris, qui in variis cadaveribus varie fe habet; utpote qui sit vel limpidus (o) vel turbidus (p); isque posterior deinde vel albus (q), serique vaccini fimilis (r), vel subluteus (s), flavus (t), ex flavo viridescens (u), fuscus (x), purulentus (y), cinereus (z), cruentus (a), faniofus (b), nigricantve (c); denique vel foetidus (d) est iste humor, nullove foetore imbutus (e). Humor autem hicce, in vas collectus atque fepositus, testibus Valsalva et Morgagno, " non aliter," plerumque, "ac fanguis concretam "rubram partem a serosa separatam ostendit, " concretam in fuo medio fubstantiam gelatinae "instar, secretam a reliquo sero exhibuit. "Hoc quoque igni impositum, eodem " modo quo sanguinis serum concrevit (f)". Vel fi primum id non accidit, attamen " igni impositus," saltem, humor iste " fan-" guinei

(0) Id. epift. 20. § 32. et alibi.

(a) Id. epist 20. § 3.

(c) Id. epift. 21. § 3.

(e) Id. epift. 20. et 21.

(p) Id. epist. 20. § 2. Epist. 21. § 24. 30. 34. 36.

(q) Id. epist. 20. § 7. (r) Id. epist. 20. § 39. 47.

(s) Id. epist. 21. § 24. (t) Id. epist. 21. § 30. 34.

(u) Id. epist. 21. § 17. (x) Id. epist. 20. § 45.

(v) Id. epist 20. § 56. (z) Id. epist. 21. § 32.

(b) Id. epist. 21. § 36.

(d) Id. epist. 21. § 32,

(f) Id. epist. 20. § 32.

"guinei instar seri concrevit (g)." Nonnunquam etiam, in humore isto in thoracis
cavo adhuc stagnante, "concretiones" quaedam inveniuntur, "quales in imo dolio per
"vinum natare solent (b)." Unde verosimile videtur, tunicas vel membranulas istas
supra memoratas, quibus pleura pulmonesque saepe obducuntur, saepe quoque inter
se mutuo colligantur, a sero ex vasis pleurae pulmonumque exhalantibus, vi doloris,
angoris, et sanguinis morbi indole ac saevitia
ad pectus delati, stillante, esse affectas: vel si
id minime sit verum, ab hoc sero jam in pectus essus supra sup

Pulmones quidem fani omnino inveniuntur nonnunquam: faepius autem vario modo pleciuntur. Sunt enim duri (k), ut plurimum, rubri atque inflammati (l), neque raro valde tumidi, adeo ut, aperto jam thorace, totum ejus cavum faepe impleant (m); ad haec, lividi (n) interdum, fusci (o), vel ad subviridem colorem vergentes (p); faepe quoque nigri (q), nigrifve

⁽g) Id. epist. 20. § 47. (b) Id. epist. 21. § 34.

⁽i) Vid. Van Doeveren specimen. observ. acad. c. 4. § 4. Morg. de sed. &c. epist. 20. § 37. 59. et alibi.

⁽k) Morgagni de sed. et caus. morb epist. 20. § 3. 9. 13. 45. 51. epist. 21. § 4. (1) Id. epist. 20. et 21.

⁽m) Id. epist. 20. § 3. 5. 51. (n) Id. epist. 21. § 32.

⁽⁰⁾ Id. epist. 20. § 41. (p) Id. epist. 20. § 45.

⁽q) 1d. epist. 20. § 13. epist. 21. § 4. 35.

nigrifve maculis conspersi (r): sunt praeterea abscessibus non raro obsiti (s), vel quasi ulceribus (t); materia sunt etiam aliquando purulenta (u) vel saniosa (x) madidi. Horum autem vitiorum plura vel pauciora simul pulmones insiciunt; idque vel ex toto, vel ex parte solummodo.

Pulmonibus fectis, duri tantum, et hepatis cocti (y) vel folidioris carnis (z) fubstantiam referentes, nonnunquam reperiuntur. Praeterea etiam "minimi hic illic" aliquando "abscessus "intus sunt ubique deprehensi, materiam sa-"niosam continentes (a)." Magni quoque abscessus (b), et quasi sinus (c), per ejus substantiam longe lateque penetrantes inveniuntur interdum; quibus inciss, pus essuit (d), vel sanies (e), vel serum colore susco imbutum (f), vel similia. Aliquando etiam pulmonibus sectis, etsi nulli adesse videantur abscessus, serosa tamen ac putrida colluvies cum misto sanguine erumpit (g). "Pus" etiam nonnunquam,

⁽r) Id. epist. 20. § 7. 45. 49.

⁽s) Id. epist. 20. § 9. 11. 41. 61.

⁽¹⁾ Id. epist. 20. § 5. 43. (11) Id. epist. 20. et 21.

⁽x) Id. epist. 20. et 21. (y) Id. epist. 21. § 2. 17. 23. 28. 32 33. 40. (z) Id. epist. 20. § 21. 22. 49.

⁽a) Id. epilt. 20. § 2.

⁽b) Id. epist. 20. § 11. 61. (c) Id epist. 21. § 32.

⁽d) Id. epist. 20. § 61. epist. 20. § 32. (e) Id. epist. 20. § 11. (f) Id. epist. 20. § 41. (g) Id. § 45.

nonnunquam, "certe puris non absimilem mate"riam, simul cum spumoso humore essluit (b)."

Neque quidem semper non invenitur pulmo
caetera ferme sanus, fulvo tamen, aliove pravo humore, quacunque incidatur imbutus (i).

"In quibusdam etiam tractibus, substantia" est
aliquando "albida, et quasi ad corruptelam ver"gente (k)." Neque rarissime ita accidit, ut
pus intus ostendat pulmo tale omnino, quale
per tussim ejecerat aeger (l).

Denique pulmonibus abscissis, in aspera arteria et bronchiorum ramulis reperitur nonnunquam ejusmodi materia ac per tussim, vivo adhuc aegro, ejecta erat (m). Adeo vero graves ac ponderosi sunt saepe pulmones, ut in aquam projecti fundum continuo petant (n).

Exsectis jam pulmonibus atque ablatis, pericardium non raro fanum invenitur; interdum vero omnia exhibet mala, quae de pleura fupra memorantur. Serum quoque continet ejus cavum vel nullum, vel paucum, vel multum: idque,

⁽h) Id. epist. 21. § 17. (i) Id. epist. 21. § 23.

⁽k) Id. epist. 21. § 23. (1) Id. epist. 21. § 31.

⁽m) Morgani de sed. et cans. morbor. epist. 21. § 34.

⁽n) Halleri opuscul. pathol. obs. 14. hist. 1. 2. et 3. Morgagni de sed. et caus. morb. epist. 21. § 40. Hoffmanni Med. rat. syst. tom. 4. par. 1. sect. 2. c. 6. Thes. pathol. § 12. Ejusdem dissert. de pleur. et peripneum. § 12. operum supplem. tom. 1. p. 801.

idque, quoad speciem, varium, sicut sere in cavo thoracis cernitur (0).

Praeterea, cor ipsum non semper evadit incolume. Iisdem enim membranulis ac pleura, pulmonum membrana externa, pericardium extrinsecus et intrinsecus, hoc quoque obtectum videmus. Neque semper id solum est vitii: nam et inslammatum, et pure scatens interdum reperitur; dilatatum quoque ac mole auctum aliquando, vel ex toto vel ex parte; praecipue autem ventriculus dexter, cum auricula ejus dextra, huic vitio est obnoxius (p).

In cordis praeterea ventriculis auriculisque semper fere inveniuntur concretiones polyposae: eaeque majores plerumque in dextris quam in sinistris. Sanguis quoque ut plurimum totus coagulatus atque concretus, vel grumosus ac vix sluidus: saepissime etiam atro, vel ad nigrum vergente, imbutus colore: atque hoc denique saepius in dextris, majorique copia, quam in sinistris (q). Neque hoc sanguinis vitium cordi proprium: sanguis enim densus ater, ac vix sluidus in vasis quoque nonnunquam deprehenditur (r); immo non desunt exempla ubi pene totus concretus suit (s).

DIAGNOSIS.

⁽⁹⁾ Morgagni de sed. et caus. morb. epist. 20. et 21.

⁽p) Id. ib. passim. (q) Id. ib. passim.

⁽r) Id. epist. 20. § 16. epist. 21. § 19.

⁽s) Id. epist. 20. § 11. 41.

DIAGNOSIS.

Hisce de febribus pneumonicis in genere praemissis, nunc restat ut inquiramus de ista harum febrium specie, quam omnes ferme statuunt de medicina scriptores; a Graecis areupitinde 2000s appellata, a Latinis vero morbus latera-Atque haec quidem triplex est quaestio: Inquirendum est enim, primo, An unquam in febribus pneumonicis fit pleura magnopere laefa, fine ullo, vel fine magno faltem, pulmonum vitio? Deinde, Si id tandem accidere interdum compertum fit, an hoc pleurae vitium figna quaedam prodat, quae inter fe ac pulmonum inflammationem, quam περιπνευμονιαν Graeci vocant, fatis conspicuum ac luculentum praebeant discrimen? Eo denique posito, quod hi morbi satis manifeste a se invicem dignosci queant, An, porro, hoc discrimen ullam medicis utilitatem afferre possit?

An unquam sit pleura sola inflammata? &c.

Quod autem in hujusmodi sebribus pleura nonnunquam sola sit affecta, certiores nos sacit peritissimus anatomicus Diemerbroeck, quem in errorem de hac re lapsum esse non verosimile videtur; utpote qui anatomen summa cum auctoritate publice docuit; et cum quotidie fere in cadaverum sectionibus esset versatus, omnia quae in corpore humano secundum naturam occurrunt eum probe novisse credibile est. Sed et praeterea multa cadavera et peripneumonicorum et pleuriticorum se incidisse affirmat; ideoque ex incuria eum errâsse, nequaquam probabile videtur. Sed quid ipse dicat audiamus.

-" PROSECUI," inquit, " cadaver mulie-" ris pleuritide interemptae, qua primis 14 " diebus acutissime afflicta fuerat: postea vero " inflammatione ad fuppurationem deveniente, " morbus per aliquot dies mitior visus; sed "tandem morte finitus est. Invenimus pul-" monem a pleura omnino liberum, et in dex-" tro latere totam pleuram, ab axillis usque "ad diaphragma, inflammatam: Abscessum " vero difruptum fuisse ad quintam et sextam " costam, quae duae costae digitorum latitu-" dine, per ruptionem abscessus, omnino erant " a pleura liberatae; et pus in thoracis capaci-"tatem mediocri quantitate effluxerat: Pul-"mo autem prorfus nulla inflammatione, alia-"ve prava affectione, laesus inveniebatur (t)." DEINDE, "Plane similem," inquit, "casum " etiam demonstravi in pleuritico exstincto, qui " media aestate in foeno colligendo occupatus,

[&]quot; et

⁽t) Diemerbroeck Anatom. lib. 2. cap. 13.

et valde sudans, cerevisiam frigidam magno " haustu biberat, sicque illico morbum, et " paulo post mortem, contraxerat; in quo e-" tiam tota pleura unius lateris inflammata " reperiebatur, pulmone prorsus illaeso (u)." "Ex his liquet, minime verum effe quod " fcribit Regius,-In omni pleuritide exte-"rioris partis pulmonis inflammationem etiam " adesse, idque omnium pleuritide exstincto-"rum corporum sectiones docere, in quibus " femper pulmones affecti inveniuntur, pleura " faepe integra: credo cl. virum ex praecon-" cepta opinione haec docere; nam ut certum " duco eum pleuriticorum fectiones nunquam "fecisse, ita etiam verosimile existimo, illum " eafdem ab aliis institutas vel nunquam vel " rarissime vidisse: Nam autopsia omnino con-" trarium docet, ut ex multa pleuriticorum ex-" ftinctorum fectione, quam in studiosorum me-"dicinae gratiam privatim institui, abunde "liquet: Nunquam enim pleuritidem illaefa " pleura factam invenimus, sed in quibus pul-" mo pleurae affixus adhaerebat, in iis pulmo-" nem, qua parte pleurae adnectebatur, fimul " etiam affectum vidimus: In aliis vero, qui-"bus pulmo liber a pleura erat, eum nihil af-"fectum fuisse: hacque in parte oculis nostris " magis " magis confidimus quam dictis aliorum qui " forte nil tale viderunt (x)."

PLATERUS quoque ipse, qui eandem sere ac Regius statuit sententiam, agnoscit pleuram quandoque solam inslammari. Solummodo negat talem pleuritidem inde sieri, in qua cruenta et purulenta exspuuntur (y).

ALII quoque plurimi, inter quos Harde-Rus (z) et Riverius (a), hoc ipsum affirmant, pleuram solam inflammatione affici in cadaveribus a pleuritide mortuorum quae ipsis incidere contigit. Sed, ut caetera praetereamus, unius libet afferre testimonium, quod multum valere debet: quippe cum medici sit de cujus anatomes peritia in dubio venire non potest; celeberrimi, scilicet, in hac academia anatomes nuper Praelectoris Filii Donald Monro: cujus verba haec sunt.

"Some late authors feem to look upon the pleurify and peripheumony as the fame diformed: however tho' it be true, that when the pleura is inflamed, the furface of the contiguous lungs is generally in the fame state; and that, when the lungs are inflamed, the pleura is often affected; yet as I have frequently

⁽x) Id. ib. (y) Sennerti oper. tom. 3. p. 319. quaest. 2. (z) Apiar. Observat. 53. (a) Oper. p. .248. col. 2.

" quently feen the true peripneumony with-" out that sharp pain of the side which cha-"racterifes the pleurify; and upon opening " the bodies of people who have died of the " peripneumony, have found the lungs vio-" lently inflamed and livid, and fo filled with " blood as to fink in water, without the pleu-" ra being much diseased; and upon opening " the thorax of others who died of the pleu-" rify, have found the intercostal muscles and " pleura violently inflamed with livid fpots, " and only a small portion of the surface of " the contiguous lungs affected, I cannot help " still looking upon them as distinct disor-" ders; though they require nearly the fame " treatment, and are often complicated toge-" ther (c)."

HISCE omnibus perpensis, satis constare videtur, pleuram nonnunquam solummodo esse vitiatam, nullo pulmonum vitio comitante; neque tamen pleuritidis signa, quae vulgo aestimantur, abesse: ideoque hunc morbum pleurae interdum haerere soli. Quod autem Petrus Servius (d) in trecentis pneumonicorum quae dissecuit cadaveribus; quod Valsalva et Morgagni in plurimis, quorum non pauca erant, eorum qui pleuritide, ut ex morbi indiciis conclusum est, mortui sunt, nulla in-

⁽c) Monro on military diseases, p. 123. note (a).

⁽d) Hoff. Diff. de pleur. § 9. Op suppl. tom. 1. p. 800.

veniebant in quibus pleura sola erat inflammata; multa vero quae pulmones ostenderunt valde laesos sine ulla pleurae labe; nihil mirum videbitur, si in mentem veniat neminem fere pleuriticum mori, nisi prius peripneumonia supervenerit. Quod quidem ad secundam propositi nostri ducit quaestionem.

An hoc pleurae vitium signa quaedam prodat quae inter se ac pulmonum inflammationem, quae peripneumonia nuncupatur, satis luculentum praebeant discrimen?

Hoc jam posito, pleuram nonnunquam folam in hoc morbo affici, partem vero affectam valde dolere; rationi consentaneum est, cum spiritum ducere nequit aeger nisi haec membrana faepe distendatur agiteturque, spiritus esse semper in hoc morbo difficultatem, quia dolorem spirando augeri necesse est: Hanc igitur spiritus difficultatem majorem minoremve esse, prout lateris inflammatio ac dolor faevius urgeant vel mitius. Spiritus enim cohiberi videtur, non quia ducere non potest aeger, sed quia prae dolore non audet. Cum vero praeter pleuram pulmones etiam inflammati fint, si levis sit adeo inflammatio ut externam eorum faciem folam afficiat, neque eos dilatari, nisi quoad doloris sensum excitet, prohibeat;

prohibeat; etiam hunc quidem morbum peripneumoniam vocari non debere videtur, quia ejusmodi spirandi dissicultatem solummodo habet ac pleurae solius inslammatio. Sin autem spiritus hauriri nequit sine magno molimine, cum dolor nullus, vel levissimus saltem, adsit, tunc peripneumonia laborare aegrum verosimile est; plenamque ac liberam spirationem persicere non posse, quia pulmones ita sint sanguine infarcti ac distenti ut jam aegre dilatari queant.

Neque vero hoc pleuritidis a peripneumonia discrimen ut merum opinionis commentum aestimari debet. Non solum enim ratione, sed experientia etiam comprobatum esse videtur. Neque peritissimos medicos hoc pleuritidis proprium indicium omnino latuit; quanquam illud folum ad morbum femper dignoscendum sufficere non satis fortasse animadverterunt. Inter plurima scriptorum de hac re testimonia, pauca proferam. HAAVIUS, in hujusce morbi historia, "Respi-" rationem coactam" effe dicit, "et prae sen-" fu doloris fuffocatam (d)." Postea vero addit, " Hinc liquet cur thoracis per fasciam adstric-" tio adeo dolorem levet, ut morbum toleraadec infamination of ex-

⁽d) Aph. 883. Vid. etiam aph. 905.

"bilem reddat (e)." Eadem fere passim habet Van Swieten: "Dum autem ille dolor ad"est," inquit, "respiratio valde laeditur: de"bent enim in inspiratione costae a se mutuo
"diduci, adeoque inslammatae illae partes
"distrahuntur cum summo doloris augmento.
"Ob hanc causam miseri aegri vix inspi"rant (f)." Alio etiam in loco haec dicit:
"Laterum dolores, ut pleuritici vocari possint,
"satis acuti et punctorii esse debent, inspira"tionem prohibentes (g)."

SYDENHAMUS quoque de hac spirandi prae dolore dissicultate meminit: "Tanta," enim inquit, "aliquando reperitur inflammatio, ut "pectus ne ad spatium quidem respirationi "debitum sine exquisitissimo dolore queat ex, "pandi (b)."

"RESPIRATIO," inquit SENNERTUS, est disticilis, frequens, parva, quia ob inflamma"tionem et dolorem instrumenta respirandi
fatis distendi nequeunt (i)," &c.

"RESPIRATIO," ait HOFFMANNUS, est "val" de difficilis, anxia, et dolorofa (k)."

(e) Aph. 906. Vid. Van Swieten, in loc. et etiam in Boerh. Aph. 875.

(f) In Aph. 883. vol. 3. p. 19. fab fin.

(g) Vol. 2. p. 587. Vide etiam vol. 3. p. 5. ad Boerh. aph. 877. Item p 7. et 8. lb.

(b) Syd. op. p. 263. (i) Sennert. oper. tom. 3. p. 312. col. 2. (k) Differt. de pleur. et perip. § 2. Operum suppl. tom. 1. p. 797.

His calculum adjicit Lieutaud, cujus haec funt verba: "La respiration," inquit, "est très-gênée et entre-coupée par la véhé"mence de la douleur (1)."

Maxime quoque ad rem pertinet Nicolai Pisonis, quod sequitur, testimonium: "Dif"ficilis," inquit, "spiratio lateralem morbum
"fequitur, ut alios qui partes ad thoracem at"tinentes molestant: Sed in laterali volen"tes magnitudinem inspirationis cohibemus,
"quoniam per magnas inspirationes sit ut
"comprimatur pars laborans, et vehementius
"doleat. Sic thorax libere dilatari non po"test (m)."

His omnibus adductus fum ut pleuritidem esse desiniam, "Febrem cum pectoris dolore, "et respiratione prae sensu doloris dissicili:" Peripneumoniam vero, "Febrem, cum tanta "pectoris gravitate ac pondere ut aeger non "nisi magno molimine, nulloque modo plene "ac persecte, spiritum ducere potest."

Nunc vero ad tertiam quaestionem pergendum est.

am minde automobies nessed in An

⁽¹⁾ Precis de la medicine pratique, p. 236.

⁽m) Piso de cogn, et curand, lib. 2. c. 7.

An hoc pleuritidis ac peripneumoniae distinctio ullam medicis utilitatem adferre possit?

Huic autem discrimini utilitatem non deesse fatis apparebit, si ad hoc animadvertetur, quod a plerisque medicis statutum sit, eo plus periculi habere hofce morbos, quo plus vitii in pulmonibus haereat: et quod in pleuritide a nobis constituta multo minus laedantur pulmones quam in peripneumonia. Cum in priori morbo pulmones vel omnino incolumes evadunt, vel in externa folum facie vitiantur; in posteriori vero tantopere afficiuntur ut toti saepe duri tumidique post mortem inventi fint, totumque thoracis cavum impleant. Quanquam enim pleuritidis ac peripneumoniae curatio non multum discrepat; nihilominus tamen, si ratio horum morborum quam dedimus vera sit, signaque per quae a se invicem dignosci eos diximus certa sint, constantia, ac minime fallacia; non parvi momenti erit hoc discrimen ad morbi periculum quadantenus indicandum. Atque hic quidem adnotare libet, cum ita se res habeat ut pleuritici multo minori fint in periculo quam peripneumonici, et praesertim cum pleuritis omnino fere non jugulet aegrum nisi prius peripneumonia supervenerit, ut istud omittam quod Romae magis sint fortasse posteriori illi morbo quam priori obnoxii, mirandum non esse unumquodque fere a Servio, Valsalva, vel Morgagno dissectum cadaver pulmones valde laesos exhibuisse.

Inter alios quosdam morbos ac pleuritidem veram discrimen.

pulmoning has been appearable a

A discrimine vero inter pleuritidem ac peripneumoniam facto, nunc transitus ad verae spuriaeque pleuritidis differentiam: deinde ad alios morbos, qui signorum quorundam communionem aliquam habeant, a pleuritide vera dignoscendos.

In pleuritide notha, omnia funt plerumque mitiora ac in vera (n): non adeo acuta est sebris (o); neque semper adeo saevus dolor (p); unde et spirandi ossicium minus impeditum (q).

D Ad

- (n) Lomm. Obf. Med. p. 132. Pison. de cog. et cur. morb. lib. 2. cap. 7. tom. 1. p. 354.
- (o) Sennerti op. vol. 3. p. 313. col. 1. Hoffm. Med. rat. fyst. tom. 4. p. 1. § 2. cap. 6. Operum, tom. 2. p. 137. Ejusd. dist. de pleur. et peripn. § 2. Oper. supplem. tom. 1. p. 797. et alibi. Pison. de morb. cogn. et cur. lib. 2. cap. 7 tom. 1. p. 355.
- (p) Sennerti oper. vol. 3 p. 313. col. 1.
- (q) Hoffmanni Med. rat. fyst. p 1. § 2 cap. 6. Op. tom. 2. p. 137. Ejusdem diss. de pleur. et peripn. § 2. Op. supplem tom. 1. p 797. &c. Pison. de morb. cogn. et cur. lib. 2. cap. 7. tom. 1 p. 355.

Ad haec vero, dolor externa compressione in gravescit (r); neque sinit aegrum in partem affectam decumbere (s): Tumor quoque et rubor extrinsecus interdum apparent (t).

Mediastini inflammationem doloris fedes, fecundum Huxham aliofque, a pleuritide vera distinguit. In hoc enim morbo dolorem acutum inter sternum et spinam dorsi ab aegro percipi aiunt (u). Huic autem aliud fortasse signum adjici potest: nam cum hae partes non adeo inter spirandum ac costae moveantur; non aeque ac in pleuritide vera atque exquisita respirationem impeditum iri verosimile est.

Dolor vero acutus ardensque in medio fere thorace, sed potius ad partem sinistram vergens, cordis palpitationes, animique deliquia, vel syncope, pericardii cordisve, vel utriusque simul inflammationem plerumque comitantur, et a vera pleuritide distinguunt (x). Syncope autem,

(r) Lom. Med. Obs. p. 132. Pison. de morb. cogn. &c. lib. 2 c 7 p. 355. Sennert. op. tom. 3. p. 313. col. 1. Huxam on Fevers, p. 243. Hossm. Med. rat. syst. tom 4. par. 1. § 2. c. 16 Oper. tom. 2. p. 137.

(s) Riverii op. p. 250. col. 1. Huxam on Fevers, p. 243. Hoffm. Med. rat. fyst. tom. 4. p. 1. § 2. c. 6. Operum, tom. 2. p. 137.

(t) Huxam on Fevers, p. 243. (u) Huxham on Fevers, p. 238. (x) Vid. Stork ann. Med. 2. cadav. 2. p. 232. cadav. 14. p. 262. Boneti Sepulchret.

autem, quanquam fignum pericardii cordifque inflammationis a plerifque praebere existimatur certum ac proprium, vel, ut pathologi loquuntur, διαγνωσικών vel δηλωτικών, non semper tamen adest; ut certo constat ex historia pericardii cordisque inflammatione a VAN Dogevern conscripta (y).

A pleuritide vera differt paraphrenitis in eo quod dolor in imo pectore, inter cartilaginem ensiformem, costas spurias, ac imas dorsi vertebras, sentitur; quod respiratio est convulsiva et singultosa, et immotis fere abdomine et septo transverso, thoracis solius motu persicitur; quod lateris dolentis hypochondrium sursum ac introrsum sub costas contrahitur; et quod singultu plerumque ac delirio aeger vexatur, risuque etiam nonnunquam, quem vocant, Sardonico (z). Haec vero signa non semper comitantur diaphragmatis inslammationem; quae saepe nulla praebet signa unde a pleuritide vel peripneumonia dignosci possit (a).

ATQUE hic annotandum videtur, hosce omnes pectoris morbos adeo saepe inter se colligatos esse atque implicitos, ut eorum nullius signa propria, ab aliis omnibus sejuncta atque discreta,

⁽y) Specim. Obf. Acad. cap. 4. p. 69-76.

⁽z) Vid. Boeth. Aph. 909. Van. Swiet. Comm. in loc. Huxham on Fevers, p. 240. (a) Morgagni de sed. et caus. morb. epist. 21. § 35. 36.

discreta, deprehendi possunt; atque inde fortasse tam varias esse ortas de horum morborum sedibus ac signis, praesertim vero pleuritidis ac peripneumoniae, sententias.

ALII funt praeterea lateris dolores, ab HIPPOCRATE, GALENO, CELSO, CAELIO AURELIANO, PRISCIANO, LOMMIO, SENNERTO,
HOFFMANNO, TRILLERO, HUXHAM, aliifque
memorati, qui fub nostram pleuritidis definitionem non cadunt, utpote qui febris sint expertes; ideoque quam facillime ab ea dignoscendi.

AERA quoque in intestinis incarceratum, dolorem aliquando pectoris, ut videtur, et spiritus dissicultatem inducere, pleuritidemque aemulari, plurimi medici testantur: a qua tamen facile distingui potest; quia dolor in imo thorace sentitur, et sebre caret; et quia tumidum est abdomen, borborygmique ut plurimum audiuntur.

SI vermes in intestinis nidulantes, ob tustim, sebrem, et lateris dolorem, quae inducunt nonnunquam, pleuritidem mentiantur; diligenter omnia intuenti vitium plerumque indicabunt venter distentus, excrementa ex alvo ejecta, caeteraque vermium in intestinis hospitantium signa (b).

HEPATIS

⁽b) Hoffmanni Med. rat. syst. tom. 3. Sect. 1. c. 7. § 53. Operum, tom. 1. p. 332.

HEPATIS praeterea inflammatio pleuritidis interdum similitudinem praebet; a quo tamen morbo, si totus signorum concursus sedulo obfervetur, quae quidem hic enumerare limites non finunt, facile potest ut plurimum dignosci.

MORBICAUS Æ.

passes, moreli definitionem defumi deligre ox-

ATQUE nunc tandem ad causas pleuritidis tractandas perventum est. Morborum autem causae in praedisponentes, vel *ponyulivas, occasionales, vel προκαταρκτικάς, causamque proximam, a pathologis dividuntur. Cum autem haec posterior multo arctius quam caeterae cum ipso morbo connectatur; quippe quae si dempta sit, morbum quoque ipsum cum ea una tolli necesse est; de hac prius disserendum puto. Deinde vero causas pleuritidis προκαταρκτικάς, quia morbum cito, ac statim fere, excitant, praecipuas enumerare conabor. Hisce denique leviter percursis, ea pleraque quae ad hunc morbum fuscipiendum corpus disponunt, procliviusque reddunt, narrabo.

CAUSA PROXIMA.

OMNES qui pleuritidem esse definiunt pleurae inflammationem, proximam hujus morbi çausam hujusmodi statuere oportet: Causam, fcilicet. fcilicet, pleuritidis ex omnium inflammationum generali caufa, una cum eo corporis vaforumque partis ipfius ubi malum haeret statu, qui in hunc locum inflammationis vim dirigere necessario debet, conslatam esse.

Nos vero qui ex fignis quae semper adfunt, omniumque non oscitanter intuentium oculis patent, morbi definitionem defumi debere existimantes, pleuritidem esse diximus, "Febrem "cum pectoris dolore, et respiratione prae " fenfu doloris difficili;" nos, inquam, fi nobifcum ipsis in omnibus satis congruere velimus, pro causa hujusce morbi proxima agnoscere debemus omne id unde pathemata haec, quae morbum defignare arbitramur, originem proxime ducunt, quoque ablato, ea fimul ipfa prorfus abeunt. Recte igitur nobis concludere videmur, fi caufam pleuritidis proximam, vel pleurae caeterarumque pectoris partium in hoc morbo affectarum inflammationem folam statuam; vel, si febrem ab inflammatione oriri non concedatur, istam quidem inflammationem cum omnium febrium inflammatoriarum communi causa conjunctam.

CAUSÆ PROCATARCTICÆ.

PLEURITIDEM inducere possunt varia; quotum praecipua, quae quidem a medicis enumerantur, ad haec tria generalia referri queunt.

I. OMNE valde frigidum corpori fatis diu applicatum, praesertim vero si homo jam aestuet vel sudore manet.

Hujusmodi sunt, "aër frigidus, per angu"stas rimas violenter actus in nudum corpus,
"ex labore vel igne prius valde aestuans (c);"
idemque gelidus, inter anhelitus currendo
excitatos, corpore jam nimis calesacto, inspiratus (d). Coelum post acre gelu subito aestuans (e). Ventus acerrime frigidus (f), ideoque imprimis Eurus Boreasque (g). Potus gelidus subito, magno haustu, corpore
aestuante, ingurgitatus (b). Aliaque ejusmodi
multa.

Hinc clarissime patet, cur pleuritides frequentius saeviant vere, vel, ut dicit Sydenhamus, "anno

⁽c) Boerh. Aph. 881. (d) Trilleri de pleurit. cap. 1. § 12. p. 13. (e) Boerh. Aph. 879. (f) Id. ib. (g) Id. Aph. 881. (b) Id. ib.

"anno inter ver et aestatem ambigente (i);" praesertim vero si "gelu acrius perseveraverit, "se in veris usque pomoeria longius exten"dens, derepente autem calidior tempestas "fuccedat (k):" Cur hyeme quoque rigida (l); ac etiam autumno (m), si subito frigidum aridumque coelum calidiori humidiorique tempestati successerit: Verbo, denique, patet, cur pleuritides sint plerumque epidemicae in omni tempestate valde frigida, ac simul arida; et apud eos qui in locis habitant editioribus et frigidioribus, ventisque ab oriente ac a septentrione spirantibus expositis, sint plerumque endemicae (n).

II. QUECUNQUE fanguinis velocitatem ac impetum cito et valde augent: Liquores, scilicet, spirituosi immoderate epoti; acria ac stimulantia nimis medicamenta assumpta; ira esfraenata; et hujusmodi alia.

AD hoc probandum, fatis sit medicorum illustrissimorum Hoffmanni ac Sydenhami attulisse testimonia.

" NIHIL

⁽i) Syd. oper. p. 262. 263. (k) Id. p. 257.

⁽¹⁾ Trill. de pleur. cap. 1. § 13. p. 13.

⁽m) Id. ib. Hoff. Med. rat. fyst. tom. 4. par. 1. Sect. 2. cap. 6. § 19. Oper. tom. 2. p. 138.

⁽n) Huxam on fevers, p. 174.

NIHIL notius est," inquit Hoffmannus (n), "quam quod illi qui sanguinem in venis so"vent crassum et copiosum, vehementiori
"fubsequente incalescentia, sive per corporis
"vehementiorem motum, laborem, &c. sive
"per ingurgitationem vini meracioris, spiri"tus vini (o), abusum sudoriferorum calido"rum, et nimiam animi excandescentiam (p),
"incurrunt in nostrum affectum, praesertim
"si mox post talem motum frigus accedat,
"et corpus denudetur."

DE medicamentis quidem stimulantibus, haec habet Sydenhamus: "Per accidens," inquit, "aliis febribus quandoque supervenit" (pleuritis), cujuscunque demum generis eae "fint, &c. Hoc autem incommodi saepissime ex "intempestivo ac praepostero calidorum me-"dicamentorum usu infertur." Praesertim vero hoc accidere ait, ubi aegrotorum aetas ac temperamentum, annique tempestas inter ver atque aestatem ambigens, sua etiam symbola, ad hanc rem contulerint: illa enim tempestate sesse (q).

(n) Hoffm. Dist. de pleur. et peripn. § 15. Oper.

fuppl. tom. 1. p. 801.

(0) Vid. etiam Hoffm. Med. rat. fyst. tom. 4. par. 1. fest. 2. c. 6. § 7. Oper. tom. 2. p. 137.

(p) Vid. etiam Hoffm. ib. tom. 2. par. 2. c. 1. § 15. scholion. Operum, tom. 1. p. 190.

(g) Syd. Oper. p. 263.

tendody, stormina, fraims conce hypochen-

III. Ali morbi, mi so mobbe mi perile

Hujusmodi funt scabies retropulsa (r); ulcera antiqua consolidata (s); purpura chronica ob frigus externum retrocedere coacta (t); sudor criticus consuetus pedum, vel totius corporis, suppressus (u); alvus adstricta (x); alvi sluxus, vel simplex vel dysentericus, temere et praepostere cohibitus (y); menses vel inordinate, vel justo parcius, sluentes, vel etiam si ob aetatis rationem plane emanent (z); lochia retenta (a); haemorrhoidum suppressio (b); intermissio eductionis consuetae sanguinis in corpore plethorico sanguineo-cholerico;

(*) Hoffm. Diss. de pleur. et peripn. § 15. Oper, supplem. tom. 1. p. 802. Ejusd. Med. rat. syst. tom. 4. par. 1. sect. 2 c. 6. § 8. Op. tom. 2. p. 138.

The distribution of the state of the second of the second

(s) Hoffm. Med rat. fyst. tom. 3. sect. 1. cap. 8. § 22. Op. tom. 1. p. 337. Ib. tom. 4. par. 1. sect. 2. cap. 6. § 8. Op. tom. 2. p. 138. (t) Id. ib. (u) ld. ib.

(x) Hoffm. Diss. de pleur. et perip. § 18. Op. suppl, tom. 1. p. 802.

(y) Id ib. § 15. p. 802. Med. rat. fyst. tom. 2. par. 3. c. 6. § 15. Op. tom. 1. p. 262. Ib. tom. 4. par. 1. fect. 2. c. 6. § 8. Op. tom. 2. p. 138.

(z) Id. ib. § 7. p. 137.

(a) Van Swiet. in Boerh. Aph. 881. tom. 3. p. 17.

(b) Hoffm. ib. Item tom. 3. fect. 1. c. 9. § 14. Op. tom. 1 p. 343.

lerico(c); tormina, spasmi colici, hypochondriaci in abdomine et intestinis dolores, cum alvi vehementiori constrictione (d); sebres petechiales, variolae, morbilli, praesertim male tractati(e); externae thoracis laesiones (f); pleuritis notha (g); aliaeque pectoris inslammationes (b); aliae denique febres (i) varii generis, imprimis autem inslammatoriae.

CAUSÆ PROEGUMENÆ.

In omne hominum genus, adhibitis causis procatarcticis satis validis, saevit pleuritis (k). Maxime vero sunt in hunc morbum proclives qui habitus sunt robustioris sirmiorisque, denso

- (c) Id. ib. tom. 4. par. 1. fect. 2. c. 6. § 7. Oper. tom. 2. p. 137. Item Dist. de pleur. &c. § 11. Oper. suppl. tom. 1. p. 800.
- (d) Id. Med. rat. fyst. tom. 4. par. 1. sect. 2. c. 6. § 8. Oper. tom. 2. p. 137.
- (e) id. ibid. p. 138. Item, Diff. de pleur. &c. § 15. Oper. suppl. tom. 1. p. 802.
 - (f) Scriptores de pleuritide, passian.
 - (g) Sennerti Opera, tom. 3. p. 311. col. 1.
 - (b) Scriptores de pleuritide, passim.
- (i) Syden. Oper. p. 263. Van Swieten in Boerhaave Aph. 881. tom. 3. p 17.
 - (k) Trilleri de pleuritide, Aph. gen. § 11. p. 3.

denso sanguine repleti (1); acidumque ideo raro eructant (m).

Hinc plane apparet cur mares magis infeftat hic morbus quam foeminas (n); juvenes, et ad virilem jam aetatem provectos, quam fenes (o); ex his vero macilentos et ficcos, quam obefos et humidos (p); atque omnium equidem minime infantes (q).

Patet quoque cur eos prae reliquis aggrediatur qui duris corporis exercitiis atque laboribus diu affueverunt (r); eofque vel "qui "duro atque impuro victui, ut fructibus le-"guminosis, carnibus et piscibus salitis et sumo induratis, potuique spirituosiori, prae-"fertim vini spiritui, plus justo per vitam "funt affueti:"—"Venatores," scilicet, "mi-"lites, olitores, rusticos, cursores, aurigas, "equi-

dide dimension property and a series of the series

(a) dell'es apprint de dist. (a)

⁽¹⁾ Boerhaave Aph. 879. Syden. Op. p. 262.

⁽m) οι οξυρεγμιώδεις ε πάνυ τι πλευριδικοί γίγνονίαι. Hip. Aph. § 6. aph. 33. Vere autem ab Hippocrate hoc dictum esse testautur Boerhaavius, aph. 879. et Trillerus de pleuritide, Aph. gen. § 15.

⁽n) Trill. de pleur. Aph. gen. § 12.

⁽o) Id. ib. § 13. (p) Id. ib. § 14.

⁽q) Id. ib. § 16. Παΐδες ήχισα νοσένσι πλευρίλιν. Aretaei de cauf. et fign. morb. acut. lib. 1. c. 10. Edit. Boerh. p. 9. E.

⁽r) Boerh. Aph. 879. Syden. Oper. p. 262.

"equisones, et id genus ex ima cavea alios (s):"
vel "qui lauto nimis artibusque coquinariis
"et convivalibus corrupto, hinc inde piperato
"variis aromatibus acribus condito, nimium
"crebro utuntur (t)."

And have autem, verosimile videtur eos esse in hunc morbum adhuc procliviores quibus praeterea arteriolae intercostales sint angustiores, magisque durae (u): certo saltem constat, magis esse pleuritidi obnoxios qui semel eam passi sint (x), vel quibus pulmones sint pleurae adnati (y).

PROGNOSIS.

what delans of the delinering est out indector (a).

dens feits hate jacosteraio ique sautribust pro-

"Same of quoquolpas lebolacionas alilitiquit

Finem huic morbo imponunt vel fanitas, vel mors, vel alii morbi: quos tres pleuritidis eventus varia praenunciant. Horum vero, quae multa apud de praxi medica scriptores inveniuntur, pauca, eaque notabiliora, declarabo. Haec autem, praemissis quibusdam generalioribus quae in hunc ordinem facile reduci

(s) Trill. de pleur. Aph. gen. § 18. 19.

(u) Boerh. Aph. 881.

⁽t) Id. ib cap. 1. § 10. p. 12. Boerh, Aph. 879.

⁽x) Trill. de pleur Aph. gen. § 31. Hoffm. Med. rat. fyst. tom. 4. par. 1. fect. 2. c. 6. § 11. Opera, tom. 2. p. 138.

⁽y) Trill. ib. Boerh. Aph. 881.

duci nequeunt, ad duas partes referri possunt; quarum prima includat ea quae aegrotanti sunt amica, bonumque moliuntur eventum; secunda, quae eidem infensa, mala parant multa, ac vitae etiam ipsi insidias struunt.

LATUS plerumque adoritur dextrum; rarius finistrum: Quando vero hoc obsidet pleuritis, et atrocior et diuturnior est, quam si in illo haereret malum (a). Sicca quoque pleuritis humidâ longe periculosior est (b).

In foeminas, imprimis autem uterum ferentes, acrius faevit quam in viros, pleuritis(c).

Senibus quoque perniciosa; atque iis quibus secundo jam tertiove recurrit (d).

QUANQUAM, pestilentiali sebre excepta, vix ulla sebris est, testantibus Hoffmanno (e), Trillero (f), aliisque (g), quae adeo atrox sit ac pleuritis, hominesve tam cito jugulet; nihilominus tamen, si naturae opportune et mox ab initio idoneis remediis succurratur, nullus est serme morbus cui facilius medetur, et qui crisin accuratius servat.

legal not my withour or and midentification Dies

⁽a) Trilleri de pleur. Aph. gen. § 21. 22. p. 4.

⁽b) Id. ib. § 6. 7. p. 2.

⁽c) Id. ib. § 20. p. 4. Item Lomm. Med. obser. p. 125. (d) Lomm. ib.

⁽e) Med. rat. fyst. tom. 4. par. 1. fect. 2. c. 6. § 10. Oper. tom. 2. p. 138.

⁽f) De pleur. Aph. gen. § 30. p. 6.

⁽g) Syden. Oper. p. 264. 267.

DIES quidem critici funt ei plerumque quintus, feptimus, nonus, undecimus, decimus quartus, vel tandem vigefimus (a).

"In juvenibus," inquit HOFFMANNUS (b), " et qui paulo vegetioris naturae, circa quar-" tum plerumque diem sputum prodit cruen-" tum, et septimo die morbus sponte sua per " fudorem largum folvitur. In phlegmaticis " et segnioribus, nec non ubi vitium pulmo-" nibus infidet altius, undecimo, vel etiam de-" cimo quarto die, morbi fit folutio, partim " fcreatu, partim fudore, pulsu facto molliori, " accedente fomno placido et virium incre-" mento. In imperfecta autem crifi criticis " diebus etiam apparet fudor, fed non fuffici-" ens, ideoque nec aegrum levat, nec morbum " folvit. Et ubi fymptomata durant ad vige-" simum primum diem, metus est abscessus in " pectore periculofi."

DIEBUS autem criticis vehementius saevit vis morbi (c), omniaque in pejus ruere videntur; unde instantis mortis terror plerumque incutitur adstantibus: at medico perito bono est hoc ipsum augurio, si protinus a primo die facile

⁽a) Trill. de pleur. Aph. gen. § 26. p. 5.

⁽b) Med. rat. fyst. tom. 4. par. 1. Sect. 2. c. 6. § 10. Oper tom. 2 p. 138. Vid. etiam, tom. 3. Sect. 1. c. 15. § 8. Oper. tom. 1. p. 388.

⁽e) Trill. de pleur. Aph, gen. § 26. p. 5.

facile exspuerit aeger (d), si slavum sputo suerit mistum, si sputum levaverit dolorem, neque aegre homo tulerit morbum; si bene respiraverit, neque siti vexatus suerit, strepitumve in pectore inter spirandum suerit auditum; si, ad haec, somnus, sudor, urinae, atque alvus probe se habuerint; totum denique corpus aequali se temperatum calore ac molle praebuerit (e). Adhuc vero certius erit salutis praesagium, si, praeter haec, alia quoque boni indicia postea enumeranda non desuerint.

Sin autem omnia sint hisce contraria et opposita; si sputum multum intus in pectore strepat; si tristior sit aegri vultus, oculique colore auriginis imbuti sint; si antea probe exspuerit, nunc vero spuere cessaverit prorsus, pectoris autem dolor ne hilum quidem remiserit, immo etiam saevius urgeat; si pectus vehementer caleat, extremis multum frigentibus; si increscat dolor, utrumvis in latus cubet aeger, adeo ut supinum eum jacere necesse sit (f); praesertim autem si ad haec alia, postea memoranda, mali indicia sese ostenderint, in maximo aeger versatur periculo.

Signa

⁽d) Εν πλευριδικοΐσι πδύελον, ην αὐτίκα επιφαινηδαι αρχομένε βραχυναι. ην δ'ϋσερον επιφαινηδαι, μηκυνα Hipp. Aph. § 1. Aph. 12.

⁽e) Lomm. Med. obs. p. 126.

⁽f) Lomm. Med. obs. p. 125. 126.

the of our of the call the (A) maps the isline to relied

Signa quae boni sunt ominis.

Si sputa bona cito et facile exspuantur, et ad salutem tendere pleuritidem, et brevem fore ostendunt (g).

Sputa autem bona varia funt. Optimum vero quidem est, ut jam antea diximus, album, leve, et aequale; huic autem proximum est sputum slavo admodum mistum (b): subcruentum quoque, vel quod sanguinis non multum habeat commistum, sed quasi sanguinis striis solummodo sit coloratum, etiam ab initio, non est malum (i).

OMNIA denique sputa sunt optima quae prompte et facile rejiciuntur, et dolorem levant (k).

PLEURITICI quibus intra primum et quintum diem fanguis purpureus et floridus affatim, vel e naribus, vel ex vasis haemorrhoidalibus, vel in foeminis ex uterinis, profluxerit, servantur (1).

DIARRHOEA in morbi progressu superveniens, quando jam mitigata sint symptomata F acriora,

⁽g) Id. ib. p. 121.

⁽b) Id. ib. p. 122. (i) Id. ib. p. 123.

⁽k) Id. ib. p. 124.

⁽¹⁾ Trill. de pleur. Aph. gen. § 35. p. 2.

acriora, utile est, perducitque ad salutem, testantibus Valeriola, Panarolo, Trillero, (m) Morgagno (n), aliisque plurimis.

OPTIMUM praebent falutis indicium abscessus (0) pone aures obortos, et cocto albidoque pure repletos; itemque ad pedum talos, vel sub axillis, aut in alia corporis parte.
Hoc frequenti experientia sibi compertum esse
Trillerus (p) assirmat.

"RARISSIME, immo nunquam fere, mori"untur, quibus post venae sectiones dolor
"laterum in claviculas et omoplatas proten"ditur, aut in dorsum propagatur (q)."

Mali ominis signa.

secile rejicinatury of delegion ic-

Contra vero, malo funt indicio fequentia:

Sputum crudum et pituitofum, quanquam etiam albidum fit; viscosum quoque et rotundum; deterius autem est ac periculosius sputum ex virore valde pallidum, itemque spumosum, vel lividum, vel aeruginosum, vel
vehementer

⁽m) Id. ib. § 28. p. 5.

⁽n) De fedib. et cauf morb. epist. 20. § 10.

⁽⁰⁾ Omnes pleuritici quibus tales abscessus contigisse observavit Baglivus sanabantur. Prax. Med. lib. 1. c. 9. p. 51.

⁽p) De pleur. Aph. gen. § 39. p. 8.

⁽q) Id. ib. § 29. p. 5.

wehementer cruentum; immo etiam flavum, fit vel fanguine mistum vel sincerum, septimo die aut post, malum est: ut est etiam sincerum vel cruentum, vel flavum, etiam in initio, sic ut hoc tamen sit illo deterius. Omnium vero pessimum nigrum, ac praesertim si idem sit una etiam soetidum. Verbo, denique, omne sputum quo magis commistos, non inter se diductos ac distinguendos habeat colores, eo deterius est (r).

OMNIA autem sputa quo serius se ostendunt, quo difficilius educuntur, et majorem frequentioremque tussim movent, et quo minus levaminis dolori afferunt, eo sunt pejora (s).

Sr pleuritis sit vehemens, sputum tamen nullum ejiciatur, periculosissimum est (t).

Nonnunquam tamen accidit ut sputum nullum omnino prodeat; at aegri nihilominus incolumes evadant, si lenis sit morbus, vel larga venae sectione, caeterisque legitimis remediis, cito et statim ab initio succurratur (u).

Sputi suppressio periculosissimum (x): nec quicquam

⁽r) Lomm. Med. Obf. p. 122. 123.

⁽s) Id. ib. p. 122. 124. et scriptores de pleurit. passim.

⁽t) Lomm. Med. Obf. p. 126.

⁽u) Swan's Sydenham, p. 250. not. (p) De Haën Rat. medendi, tom. 1. c. 2. p. 12.

⁽x) Baglivi prax. Med. lib. 1. c. 9. P. 51.

quicquam in hoc morbo est, si Morgagno (y) sides tribuenda, quod magis accelerat mortem.

Quibus post quintum diem cruor niger, piceus quasi et viscidus, e naribus distillat, quamvis copiose, nec ullo est ipsis levamini, nec facile incolumes evadunt (z).

DIARRHOEA pleuriticis in principio morbi periculosissima, et plerumque lethalis (a); nisi forte ex contingenti primis diebus opportuna sit (b): in progressu autem, si critice succedat, salutaris (c).

Quibus per totum morbi decursum urinae non subsidunt, malum (d). Quibus in morbi progressu urina tenuis copiose redditur, valde periculosum (e).

PLEURITICI, qui elapsis prioribus diebus, et neglecta prorsus legitima medicatione, venae praesertim sectione, nihil amplius mali persentiscunt, nihilque plane dolent, nisi quod unum

(y) Morgagni de fed. et cauf. morb. epist. 20, § 6. 23.

e year and the distriction of the last see see of the

⁽z) Trill. de pleur. Aph. gen. § 36. p. 7.

⁽a) Trill. ib. § 27. p. 5. Bagliv. Prax. Med. lib. 1. c. 9. p. 53. xaxdv. Hippoc. Aph. 16. § 6.

⁽b) Morgagni de sed. et caus. morb. epist. 20. § 10.

⁽c) Triller. ib. § 28. p. 5. Morgagni de sed. et caus. epist. 20. § 10.

⁽d) Trill. ib. § 25. p. 5.

⁽e) Hoffm. Diff. de pleur. et perip. § 19. Op. suppl. tom. 1. p. 802.

unum alterumve hypochondrium elevatum et praetumidum fuerit; hi, subita praeter opinionem metastasi facta, intra paucos dies, immo horas sussociatum (f).

Si dolor pleuriticus cum sputis biliosis sine ratione evanuerit, aegri in delirium incidunt (g).

Si delirium, convulsiones, tetanus, vel peripneumonia pleuritidi supervenerint, magnum adferunt periculum (b).

SI lateris dolor neque sputorum exscreatione, neque alvi dejectione, neque sanguinis missione, neque somentis, medicamentis, victusve ratione conquiescat, et tamen non lethaliter affectus aeger videatur, in suppurationem jam inslammationem ire judicandum est (i).

Si dolor lateris cesset, febris autem nihilo minus saeviat, immo siat vehementior, cum pulsu parvo, intermittenti, frequenti, sudore frigido, malum est: duodecim enim circiter horis a doloris cessatione elapsis, delirabit aeger, et paulo post spiritum edet supremum; inslam-

⁽f) Trill. de pleur. Aph. gen. § 37. p. 7.

⁽g) Riverii Oper. p. 250. col. 2. Hipp. Prorrhet. lib. 1. § 97. edit, Foesian. p. 75.

⁽h) Lomm. Med. Obf. p 124.

⁽i) Sennerti Oper. tom. 3. p. 313. col. 2. Lomm. Med. Obs. p. 127.

inflammationem enim in gangraenam jam terminasse haec indicant signa. Hoc Hippocraris essatum ter in xenodochiis verum se observasse, ait Baglivus (k).

MEDENDI RATIO.

HISCE jam omnibus, quantum tempus nostrum ac vires atque hujus instituti ratio sinebant, agitatis, pleuritidis curandi methodus
sola restat: quam quidem, quia nil novi habemus, et quia a quamplurimis, iisque peritissimis, accuratissime tractata est, leviter solummodo attingemus. Isti vero qui hujusce morbi curationem plenius ac uberius tractatam
velint, ad Sydenhami, Hoffmanni, Boerhaavii, Huxhami, Trilleri, aliorumque de
pleuritide nota omnibus scripta, confugiant.

Quae autem a jam dictis medicis de hac re dicta funt, ad quinque has indicationes curatorias commode referri queunt.

PRIMA

⁽⁴⁾ Baglivi de Prax. Med. lib. 1. c. 9. p. 53.

PRIMA est indicatio, Ut sanguinis momento, inflammationisque incremento, obviam eatur.

- II. UT Sanguis diluatur.
- III. UT lateris affecti vafa mollia laxaque fiant.
 - IV. UT sputi exscreatio promoveatur.
- V. Ur quae aegrum valde molestant, et periculum, ni cito levata fuerint, minitantur, quam primum vel tollantur vel leviora fiant.

DE his quidem fingulis eodem quo posita funt ordine pauca hic dicenda.

PRIMA INDICATIO. Ut sanguinis momento, inflammationisque incremento, obviam eatur.

Huic quidem indicationi ante omnia inferviunt, 1mo, Venae fectio; 2do, Cucurbitulae, ante fumma cute incifa, ad latus dolens ' applicatae; 3tio, Veficatoria; 4to, Clyfmata; 5to, Omnia denique quae ad aestum quo flagrat aeger temperandum, magifque tolerabilem reddendum valent.

I. VENAE SECTIO. Omnes fere confentiunt medici fanguinem in hoc morbo mitti debere, idque copiose: hancque sanguinis missionem primarium esse, immo, ut dicit Trillerus,

Herculeum

Herculeum remedium, quo praetermisso, caestera parvi ducenda sunt. Quid vero de venae sectione peritus ille medicus dicat, audiamus: "Haec est," inquit, "a qua sola, sola inquam, "omnis pleuriticorum salus pendet. Hac est nim mox ab initio mali sat cito, crebro, et "large administrata, omnis serocientis morbi" vis illico perit, et malum in ipsa quasi hersus illico perit, et malum in ipsa quasi hersus temere neglecta prorsus, aut parce nimis et "timide instituta, aegrotorum salus de exigua "spe pendet, et in summum vitae discrimen adducitur, licet omnis medicamentorum apsuratus in subsidium advocetur (1)."

Neque aetas, vel sexus, vel temperamentum, venae sectionem omnino prohibent. In omnibus enim pleuriticis mittendus est sanguis. Copia vero sanguinis detrahenda, pro morbi saevitia aegrique viribus, major erit minorve. Omnino enim cavendum est, ne, si nimia copia mittatur, sputum subito cesset, aegrique vires labefactentur; vel, si nimis parce profundatur, nihil levaminis percipiat aeger, et omnia in pejus ruant.

ÆGROTANTIS igitur virium ac morbi faevitiae ratione habita; si simul ac morbus invaserit medicus advocetur, sanguinis missionem statim jubeat largam ac copiosam. Par-

cam enim venae sectionem, in atroci hoc morbo, plus quam larga, nocere, testatur TRILLE-RUS. Et ante omnia annitendum est, ut prima haec fanguinis missio omnium sit copiosissima, quo citius vis morbi subjugetur, et postea largae venae sectiones, quae sputum sisterent, vitentur. Quidam etiam ad animi usque deliquium sanguinem mitti jubent, idque ex Hippocratis, Galeni, Aetii, aliorumque non ignobilium medicorum praescripto, faciunt. Quod quidem in genere facere, medicis magis cautis, inter quos TRILLERUS, minime placet: "Rarius enim," ait peritus iste medicus, " et non nisi urgente summa ne-" cessitate, et nimia morbi atrocitate, auden-"dum, ne vis vitalis in aegroto nimium labe-" factetur, sputisque coquendis et egerendis, " aliifque crifibus falutaribus promovendis, " impar hoc modo reddatur (m).

Sanguis vero, eodem jubente, fluere debet, donec arteriarum pulsus languescere et vacila, lare quasi incipiant (n).

SANGUINIS autem detrahendi quantitas pondere ac men ura, ut ex jam dictis satis constat, certo definiri non potest. Ratio vero, quam frequenti experientia Trillerus (6) comprobatam dicit, haec est: Prima venae Gectione.

⁽m) De pleur. cap. 2. § 4. p. 34.

⁽n) De pleur. c 2. § 42. p. 36. (o) Ib. § 41. p. 35.

fectione, quae semper copiosissima, a x. aut xiv. usque ad xv. sanguinis uncias educit; altera ab viii. ad x. uncias; tertia denique aut quarta, si necesse, ab unciis vi. aut vii. ad viii.; ita ut summa sanguinis quantitas quatuor vicibus detracti intra xxx. uncias, aut denique xl. constaret.—Rarissime vero accidisse dicit, ut, etiam dura imperante necessitate ut ter quaterve vena secaretur, ultra uncias viginti et quatuor aut sex adscenderet.

Sydenhamus (p) eadem fere ac Trillerus de sanguinis missione praecipit. Statim ac accerfitus fit, fanguinis decem circiter uncias mittendas jubet: et eodem ipso die, si dolor vehementer urgeat, eandem quantitatem profundi curat, vel saltem die secundo, ut etiam tertio die: atque sic quidem ad quartam ufque vicem, continuis quatuor diebus, nisi prius aeger convaluerit, venae sectionem repetit; ubi scilicet dolor atque alia morbi mala valde faeviunt. At vero si morbus sit levior ac remissior, vel aegri vires sint dejectae, fanguinis missionem, jam bis celebratam, non deinceps repetit, nisi die uno aut altero inter fingulas vices interjecto. Raro tamen, ait, fibi observare contigisse " pleurisin confirma-" tam in adultis minori quam quadraginta cir-"citer unciarum fanguinis impensa sanatam:

[&]quot; licet

"licet in pueris semel tantum aut bis secuisse venam ut plurimum suffecerit." His vero addit: "Neque, quae nonnunquam supervenit, diarrhoea, repetendis jam dictis venae sectionibus obicem ponit; quae quidem ipsa hac methodo brevi sistetur, etiam non administrativamentis restringentibus (q)."

SANGUINEM affatim mitti per primos tres quatuorve morbi dies, jubet peritissimus Pringle (r), nisi antea sputum prodierit; quo quidem prodeunte, vel omnino omitti venae sectionem praecipit, vel adeo saltem adhiberi ut pectori opituletur, nullum tamen damnum vel sputo vel vitae viribus adserat. Addit praeterea, quod semper plusquam quadraginta unciarum detractione, quam Sydenhamus statuit, militibus suis pleuritide laborantibus opus esset, nisi sanguinis missioni vesicantia, de quibus postea dicetur, in auxilium advocâsset.

Pro generali vero ac certa fere norma, jui stam sanguinis copiam jam esse detractam, ducendum est, "quando pulsuum rythmi aequali "et constanti tenore placide decurrunt, late"ris dolores mitescunt, respiratio liberius it,
"sputa cocta, pinguia, et subslava prodire cum
"levamine incipiunt, et quando potissimum
"aegroti

⁽q) Oper. p. 266.

⁽r) Observations on the diseases of the army, p. 145.

"aegroti de dolore ingravi scapularum, cla"vicularum, aut etiam dorsi simul vehemen"tius conqueruntur, quod plerumque post

primam mox, aut etiam post alteram, aut
tertiam denique venae sectionem, contingere solet, ut accurate observavimus (s)."

Cum autem pleuriticorum sanguis sit plerumque spissus et viscosus, adeo ut dissicillime saepe, vel etiam omnino non, e vulnere profluat, non raro necesse est, si sanguinem justa copia educi velimus, ut brachia prius pannis laneis calidis sedulo fricentur, et spongia aqua calida imbuta soveantur, pedesque calido lavacro immittantur; ut vulnus praeterea latum ac profundum insligatur; aegerque brachium ac pollicem agitet, frequenter tussiat, et, si possit, sternutet.

UT vero animi deliquium vitet, quod tam fubita ac copiosa sanguinis missio necessario fere induceret, in lectulo jacere debet aeger dum sanguis profunditur.

Multum autem agitata est quaestio, qua potius ex corporis parte sanguis mitti debet. Trillerus ex lateris affecti brachio prima vice sanguinem mitti jubet; secunda vero, vel ex eodem brachio, vel, quod melius sibi saepissime successisse testatur, ex ejusdem lateris pede; ubi vero post alteram venae sectionem, malum

⁽¹⁾ Trill. de pleur. c. 2. § 43. p. 37.

adhuc, immo et quartam, si opus sit, vel ex eodem vel ex opposito pede, institui praecipit. Quare autem sic in hoc vel in illo pede venam incidi suadeat, nequaquam intelligo, cum ad hoc consilium sirmandum, non solum non luculenta exempla, sed omnino etiam nulla, adferat; et ipse duas historias (t) conscripserit, quae sanguinem e lateris assecti brachio eductum, multo magis quam e lateris oppositi pede, ad morbi sanationem conducere probant.

MAGIS autem prodesse venae brachii lateris assecti quam oppositi incisionem, probare videtur historia ab egregio juvene, mihique charissimo, Gulielmo Withering, qui paucas abhine hebdomadas lauream Apollinarem in hac Academia merito adeptus est, accepta.

Juveni, qui pleuritide saevissima et utrumque latus aeque vexante laborabat, advocatus, sanguinem statim brachio dextro ad decem circiter uncias eduxit. Quo facto, quomodo se haberet ab aegro quaesivit. Continuo ille, nullum se fere in dextro jam latere dolorem sentire ait; latus vero finistrum aeque adhuc ac antea dolere. Subitum hoc levamen in latere cujus brachii venam inciderat animum accendit, ut periculum faceret quid valeret sanguis de altero quoque brachio detractus. Sinistri igitur

⁽t) De pleur, cap. 5. Ægrot. 3. et 4. p. 80.

igitur brachii venam pertudit, ex eaque sanguinem profluere sinebat, donec ab aegro sciverat hujus quoque lateris dolorem adeo mitescere, ut, qui paulo antea vix prae dolore spiritum ducere quivit, nunc facile et sine magno dolore spirare posset.

2. CUCURBITUL Æ. Praeter vero generalem venae fectionem, ex ipfo quoque latere affecto fanguinem missum prodesse a quibusdam dicitur: Nec, ut mihi quidem videtur, immerito; nam et citius et plenius fanguinem hoc modo a parte inflammata detrahi poffe videtur, et in aliis inflammationibus hanc fanguinis ex loco parti affectae proximo mifsionem multum levaminis afferre testantur de re medica scriptores. CELSUS folummodo fanguinem per cucurbitulas adimi jubet, quando vel venae sectione non opus est, vel hoc remedium adhibitum non prodeffet. " Re-" medium" enim ait " est magni et recentis " doloris, fanguis missus. At, five levior, fi-" ve vetustior casus est, vel supervacuum, vel " ferum id auxilium est, confugiendumque ad " cucurbitulas est, ante summa cute incisa (a)."

Sic quoque ab Huxham commendatur hoc remedium, quando arteriarum pulsus aegrique

⁽a) De med. 1. 4. c. 6, edit. Almoloveen, p. 209 1. 30.

que vires non amplius sanguinis ex majori vena detractionem facile sustineri posse indicant; pectoris tamen affectus adhuc maneant valde molesti (b). Ab Aetio (c) quoque laudantur cucurbitulae post septimum diem, si dolor non antea abierit, lateri, scarificata prius cute, assixae.

3. Vesicatoria. Magnam vim possident vesicatoria, et ad dolorem sedandum, et ad sebrem compescendam. Horum vero usum non praecipit Trillerus (d), nisi ubi repetitis jam aliquoties venae sectionibus, restat adhuc insignis spirandi dissicultas, vel magis augetur. Tum vero duo vesicatoria vel semoribus, vel tibiis ex Baglivi consilio, derivationis causa, applicanda jubet. Unde sputorum sluxum statim promotum, spirandi molestiam levatam, alvique profluvium, si adfuerit, seliciter sedatum, bis aut ter post Baglivum, se ait observasse. Non semper vero ex voto successisse dolorem sedanda dolorem sedanda successisse del se ad dolorem sedanda del sedanda del se ad dolorem sedanda del se ad dolorem sedanda del sedanda del se ad dolorem sedanda del se ad dolorem sedanda del sedanda del

PLURIMA quoque de horum damno in principio morbi, priusquam sanguis saepius

⁽b) Essay on fevers, &c. p. 197.

⁽c) Aëtii Tetrab. 2. ferm. 4. c. 68. Vide etiam Riverii Oper. p. 251. col. 1.

⁽d) De pleuritide, cap. 4. § 6. p. 54.

fit missus, apud auctores inveniuntur. Si vero medico praeclaro Pringle (e) credendum, non adeo extimescenda sunt; immo potius quam primum in aegrotantium auxilium advocanda. Ait enim eximius ille medicus, nunquam se quicquid incommodi percepisse ex vesicantibus statim post primam venae sectionem applicatis; e contra vero, citius certiusque levamen: Immo prius saepe emplastrum epispasticum se lateri admovisse, quam vena pertunderetur; sat habens, si antequam stimulandi vires ederet, sanguis proflueret: Vesicatoria autem quae adhibuit manus palmam una cum digitis magnitudine aequare, semperque se supra partem dolentem applicare.

NEQUE vero dolorem folummodo febremque sedant vesicatoria: verum etiam sputum quoque, ut jam dictum est, promovent; idque sive trunco, sive extremis corporis, adsigantur.

e clyfferum also alvum nimis fluctam realdas.

4. CLYSMATA. Huic quoque intentionis bene inferviunt clysmata ex aqua hordei et oxymelite sive melle puro, cum una aut duabus drachmis nitri, vel ex solo lacte cum saccharo parata, tepide injecta. Vasa enim abdominalia emolliunt laxantque, sanguinique

⁽e) Obf. on the diseases of the army, p. 146.

adeo a pectore derivando viam sternunt; pars quoque eorum absorpta sanguinem diluit; et sopiunt sortasse quadantenus genus nervosum: unde etiam aestum sebrilem minuunt, et blandum plerumque somnum provocant.

HAEC autem fingulis aut alternis minimum diebus, si vires aegroti sinant, morbique saevitia postulet, sub vesperam, quando dolores laterales semper fere magis ingravescunt, sat larga copia tepide injici jubet Trillerus (f).

. Purgantibus quoque tantum a quibusdam medicis tribuitur, ut dubitent haecne an venae sectio potius praemitti debeat. Haec vero in principio morbi damnant BAGLIVUS, TRILLERUS, caeterique fere omnes medici recentiores. Prior de hac re haec habet: "Al-"vi fluxus," inquit, "valde perniciosus est "in morbis pectoris, praesertim acutis; cave " igitur ne purgans medicamentum in pleu-"ritide exhibeas: cave pariter ne copioso " clysterum usu alvum nimis fluidam reddas; " nam exacerbato morbo fputum fupprimitur, " et symptomata ingravescunt cum pernicie " aegrotantis (g)." Deinde et haec et diaphoretica simul damnat: " In principio," ait, " pleuritidum qui purgantia exhibent, sputum morning met such Hald devillome " fuppri-

⁽f) De pleur. c. 4. § 4. P. 51.

⁽²⁾ Baglivi Prax, med. lib. 1. c. 9. p. 53.

" fupprimunt, febrem et morbum adaugent:
" e contra, qui fortia diaphoretica in prin" cipiis exhibent, vel deliria vel alia gravissi" ma capitis mala producunt (b)."

5. CETERA QUE AD ESTUM TEMPERAN-DUM VALENT. Praeter haec vero jam laudata, cavendum est ne quicquam aegro adhibeatur, vel obtingat, unde aestus febrilis fumat incrementum; contra vero, fummopere annitendum, ut nihilo egeat, quod ad hunc minuendum sit idoneum. Ideoque, " amplo conclavi tenendus, quo multum et " purum aërem trahere possit; neque multis " vestimentis strangulandus, sed admodum "levibus tantum velandus est (i)." Neque stragulorum et culcitrorum copia obruendus est aeger. Frequentius quoque per diem aperiendae funt nonnihil cubiculi fores vel etiam fenestrae, quo aër purior et frigidior paululum intromittatur: hoc tamen caute faciendum; neque temere, nisi quando sudum fit et clementius coelum, audendum.

MAXIMI vero esse momenti, ut aegri non nimis exaestuent, testatur Sydenhamus: quapropter liberum hoc morbo laborantibus se facere ait, ut lecto quotidie eximantur, perque

⁽b) Id. ib. p. 154.

⁽i) Celf. de medicina, lib. 3. c. 7. p. 134 30.

que aliquot horas, prout vires suaserint, e lecto maneant: Quod quidem tanti esse ait in hoc morbi genere, ut si aeger lecto jugiter assigatur, neque haec tam larga sanguinis e-vacuatio, neque alia remedia, utcunque resrigerantia, ad morbum perdomandum vel minimum aliquando prosiciant (k).

HAEC igitur omnia, caeteraque hujufmodi, fedulo curanda.

THE BEST WEST STATE OF THE STAT

SECUNDA INDICATIO. Ut sanguis diluatur.

An hanc indicationem implendam, statim post primam venae sectionem, potus tenuis tepidusque propinandus, quem affatim quotidie bibat aeger: utpote serum lactis, decoctum hordei cum melle, aceto, vel oxymelite simplici. Haec vero faepius danda parva fimul copia, adeo ut aeger semper fere tenuis cujusdam potus aliquid bibendo fit occupatus, neque unquam siti, cui non quadantenus morigeratum fit, diu fimul vexetur. Nitri quoque paululum sit potui saepe additum. Victu denique utatur tenui et forbili: abstineat vero ab omni carne, et ab omni victu crassiore vel pinguiore, dum adhuc viget morbus. Contra vero, ei concedere licet ptisanam ex hordeo, oryza, vel avena; juscula quoque tenuia, imprimis

⁽k) Syd. Oper. p. 266.

primis vero carnis vaccinae, vel theam, quam vocant, ex eadem carne confectam. Dandae funt quoque uvae passae majores minoresve, pruna sylvestria, damascena, cerasa, et similia subacida et eupepta: item, herbae molles, et, ut ait Trillerus, sapore nativo praeditae, scilicet, lactuca, endivia, acetosa, beta, brassica, spinachia, cichoreum, et hujusmodi alia.

TERTIA INDICATIO. Ut lateris affecti vasa mollia laxaque fiant.

Multa in hunc scopum adhibentur, et apud auctores laudantur, fomenta, cataplasmata, et emplastra; quorum nonnulla futilia ac inania, plurima fupervacua, quaedam vero minime spernenda. Ut simplicissimum et tamen optimum lateris fomentum, commendat TRILLERUS (a) oleum amygdalarum dulcium, vel oleum lini; vel, quod fibi maximum semper usum praestitisse ait, linimentum a Boerhaavio fere commendatum, ex femuncia nempe facchari faturni, uncia una aceti vel rutacei vel simplicis, et binis unciis olei infusi rosarum vel liliorum alborum paratum. Ejusmodi fere unguentum praescribit SYDENHAMUS. Latus dolens, decocto seminum lini, foenugraeci, et florum chamaemeli, lacte et aqua parato, fovere praecipit Huxham (b):

quo

⁽a) De pleur. c. 4. § 5. P. 52.

⁽b) Essay on Fevers, &c. p. 252.

quo rite ac diu fatis adhibito, emplastrum deinceps ex una drachma opii, camphorae scrupulo uno, et emplastro e cymino confectum, optimo cum successu plerumque se applicare dicit; humida vero somenta semper sic praeire debere (c).—Hujusmodi autem remediorum quaecunque usurpare libuerit, semper quam calidissime ac sieri possit applicanda sunt; latusque praeterea dolens pannis laneis calidis, quo diutius duret calor, bene obtegendum est. Atque hoc quidem, vel simili modo, pars lateris dolens humidis, oleosis, aliisque, calide applicatis, perpetuo sere est inungenda, fricanda, et sovenda.

QUARTA INDICATIO. Ut sputi exscreatio promoveatur.

filbliot ac cotenar plurium, supervacua, quae-

Si simul ac morbus invaserit medicus accersitus sit, statimque a copiosa sanguinis missione, caeterisque remediis jam antea memoratis, curationem inceperit, morbum saepe in principio jugulatum terminatumque videt, nullis omnino sputis prodeuntibus; ut peritissimi practici passim testantur. Immo quidem, si celeberrimo De Haen credendum est, nunquam nos inslammationis pectoris sollicitudo angere debet, etsi nihil exspuant aegri: perinde

perinde enim ait semper suisse, quantum ex propria praxi didicerat, quam evacuandi viam natura capesseret, modo respiratio emendaretur: numerumque eorum, qui vel pleuritide, vel peripneumonia assecti, sive alvo sive utroque judicati convaluerunt, eorum superasse quos sputa judicarunt (d).

Cum vero tanti esse momenti apud omnes fere medicos in hoc morbo existimetur sputum, nequaquam negligendum videtur; sed neque temere, vel solicite nimis, nisi eo naturam egere ex signis probe perspectum sit, ut prodeat adnitendum. Naturae vero molimina sedulo sunt observanda, cauteque iis ac diligenter obsecundandum.

Quare in principio morbi, statim post primam sanguinis missionem, leniter tantum sputum promoventia propinanda: Qualia sunt insusum theisorme salviae, veronicae, tussilaginis, radicis glycyrrhizae, vel aliorum hujusmodi; cujus saepissime per diem paululum bibat aeger. Item, mixtura pectoralis a Trillero laudata, ex aquis distillatis veronicae, tussilaginis, salviae, soeniculi, aut aliis similibus, cum lapidibus cancrorum, antimonio diaphoretico, lapide prunellae, extracto corticis cascarillae aquoso, oxymelite simplici, vel ejusdem generis aliis consecta. Mixturae autem hujus-

modi

modi usu aestum temperari, respirationem allevari, tussim mitigari, et pectoris expurgationem sensim promoveri, crebro animadvertit Trillerus (e). Haec autem mixtura singulis fere horis cochleari mensura sumenda.

Quando vero sputa prodire inceperint, uti naturae ad morbum sanandum molimen ducenda sunt; ideoque sedulo cavendum, ne venae sectione, vel alia ulla evacuandi via, ab incepto opere natura divertatur.

FERE omnia quidem sub prioribus indicationibus praescripta medicamenta, ad sputum promovendum, si id saltem ipsa natura moliatur, conspirant: imprimis vero vesicantia.

PRODEUNTIBUS autem jam sputis coctis, maturis, pinguibus, et substavis, ut bene ac facile exspuitio progrediatur, artis auxilium advocandum. In hunc scopum aegro propinat Pringle (f), singulis horis, poculum mediocre ejusmodi ex quo theam, quam dicunt, bibimus, insuso repletum tepido, iisdem materiis ex quibus decoctum pectorale consicitur parato, omni cujus librae additur oxymelitis simplicis uncia una. Huic vero quinta vel sexta quaque hora addi jubet oleosae cujusdam mixturae cochlearia quatuor. Eadem fere praecipit Trillerus.

And methic samutailly affection Sputis

⁽e) De pleur. cap. 4. § 2. p. 50.

⁽f) Obs. on the diseases of the army, p. 148.

Sputis autem, quae facile antea ac copiofe ejiciebantur, cito nimis cessantibus, vel non fatis jam copiose prodeuntibus, danda funt faepius per diem oxymel scilliticum, vel lac ammoniaci. Aquae quoque calidae, vel solius, vel cui parva copia addatur acetum, vapores, inter spirandum, inhaurire debet aeger. Vesicantia quoque hoc in rerum statu optimum usum praestant.

QUANDO in morbi decremento sputa adeo spissa sunt atque crassa, ut aegre, et non nisi magno tussiendi molimine, e pectore educantur, vomitoria nonnunquam auxilio suisse tessentur Pringle (g) aliique: caute tamen adhibenda (b).

QUINTA INDICATIO. Ut quae aegrum valde molestant, et periculum, ni cito fuerint levata, minitantur, quam primum vel tollantur vel leviora fiant.

PRAECIPUAM aegris hoc morbo detentis molestiam adferunt, praeter febribus communia pathemata, lateris dolor, tussis, et inde exortae vigiliae.

Sanguinis autem missio et generalis et topica, vesicatoria, diluentia, fomenta, et id genus alia, dolenti lateri applicata, expectorantia,

⁽g) Obf. on diseases of the army, p. 149.

⁽h) Vid. Trill. de pleur. cap. 3. § 8. p. 46.

rantia, caeteraque ad morbum ipsum funditus evertendum jam proposita auxilia, aeque strenue, ac ipsi pleuritidi, hisce quoque quae ex ea proveniunt molestiis, si rite ac legitime subministrentur, obviam eunt. At vero si mala jam dicta, quanquam haec omnia sedulo ac prudenter adhibeantur, miserum tamen aegrum saevius nihilominus cruciare non desinunt; opiata illico, sed tamen caute, in auxilium sunt advocanda.

Quoniam vero longo jam nimis fermone vestra tempora, lectores, moratus sum, de his nihil amplius addam. Vos autem qui cujus-modi potius opiata in hunc scopum adhibenda, quando et quomodo aegris praebenda, avetis cognoscere; et quis qui non novit, avere non debet ut tandem cognoscat! ad Riverium (1), Hoffmannum (k), Trillerum (1), Huxham (m), et Pringle (n), confugiatis oportet. Atque de pleuritide haec hactenus.

Hic vero non dubito fore plerosque, qui, cum tantopere a medico illo Virginiensi Ten-

NENT

⁽i) Oper. p. 251. col. 2.

⁽k) Med. rat. fyst. tom. 4. p. 1. Sect. 2. c. 6. § 5. Op. tom. 2. p. 140.

⁽¹⁾ De pleur. c. 3. § 7. p. 46.

⁽m) Essay on Fevers, &c. p. 196. 254.

⁽n) Obf. on diseases of the army, p. 149.

NENT laudentur radicis feneca ad hunc morbum debellandum vires, valde mirentur ne unum quidem de ea me dixisse verbum. Verum, lubenter confiteor, confulto hoc remedium omisi: quae enim de eo idem testatur fcriptor, adeo non omnium fidem fibi vindicasse videntur, ut pauci admodum radicis seneca usum in pleuritide curanda usurparunt: quapropter nullus fere, quod fciam, illo excepto, ea nobis scriptis suis dedit quae sibi, de hoc medicamento, usu erant comprobata. Quanquam igitur practicorum quorundam, mei familiarium, de egregiis hujusce radicis ad pleuritidem fugandam viribus faepius audivi testimonia: attamen quia pauca sunt, neque propria mihi experientia quicquid suppeditat, quae vero medicus ille fupra memoratus testatur satis nota funt omnibus; non opene fore pretium existimo, si de hac re plura dicerem, cum nil novi habeam nec certi.

FINIS,

dum omdi conceenim de ce idem tellatur caffe videntur, ut pauci admodum radicis fet seca ulum in pleuritide curanda ulurparum: days teftimonian attamen quia pauca funt, nedient quae very medicus ille fupra memoratus

BETTERN BURE ALLEY AND DESCRIPTION OF THE PARTY OF THE PA THE RESIDENCE OF THE PROPERTY OF THE PERSON C WE SHOULD SEE THE PERSON NAMED IN COLUMN TWO IS NOT THE OWNER. THE RESIDENCE OF COURSE OF CONTRACTOR ASSESSMENT OF THE PARTY OF THE P THE PERSON NAMED IN COLUMN THE REAL PROPERTY AND ADDRESS OF THE PARTY O AND THE REAL PROPERTY AND ADDRESS. 14